

## TEXTE

1.

In festo Omnium Sanctorum. Ad Vesperas.

1. Christe redemptor omnium,  
Conserva tuos famulos,  
Beate semper virginis  
Placatus sanctis precibus.

2. Beata quoque agmina,  
Celestium spirituum,  
Preterita presentia,  
Futura mala pellite.

3. Vates eterni iudicis,  
Apostolique domini,  
Suppliciter exposcimus  
Salvari vestris precibus.

4. Martyres Dei incliti,  
Confessoresque lucidi,  
Vestris orationibus  
Nos ferte in celestibus.

5. Chori sanctarum virginum,  
Monachorumque omnium,  
Simul cum sanctis omnibus,  
Confortes Christi facite.

6. Gentem auferte perfidam  
Credientium de finibus,  
Ut Christo laudes debitas  
Persolvamus alacriter.

7. Gloria patri ingenito,  
Eiusque unigenito,  
Una cum sancto spiritu,  
In sempiterna secula. Amen.

2.

In natali Confessoris Pontificis. Ad Vesperas.

1. Iste confessor domini sacratus,  
Festa plebs cuius celebrat per orbem,  
Hodie letus meruit secreta  
Scandere celi.

2. Qui pius, prudens, humilis, pudicus,  
Sobrius, castus fuit, et quietus,  
Vita dum presens vegetavit eius  
Corporis artus.

3. Ad sacrum cuius tumulum frequenter  
Membra languentum, modo sanitati,  
Quolibet morbo fuerint gravata,  
Restituuntur.

4. Unde nunc noster chorus in honorem  
Ipsius hymnum canit hunc libenter,  
Ut piis eius meritis iuvenmur  
Omne per evum.

5. Sit salus illi, decus, atque virtus  
Qui supra celi residens cacumen,  
Totius mundi machinam gubernat  
Trinus et unus. Amen.

3.

In Natalitiis virginum. Ad Vesperas.

1. Iesu corona virginum,  
Quem mater illa concipit,  
Que sola virgo parturit,  
Hec vota clemens accipe.

2. Qui pascis inter lilia,  
Septus choreis virginum,  
Sponsas decorans gloria,  
Sponsisque reddens premia.

3. Quocunque pergis virgines  
Sequuntur atque laudibus  
Post te canentes cursitant,  
Hymnosque dulces personant.

4. Te deprecamur largius,  
Nostris adauge sensibus,  
Nescire prorsus omnia  
Corruptionis vulnera.

5. Laus, honor, virtus, gloria  
Deo patri, et filio,  
Sancto simul paraclito  
In seculorum secula. Amen.

4.

Infra hebdomadam I. Adventus. Ad Vesperas.

1. Conditor alme siderum.  
Aeterna lux credentium,  
Christe redemptor omnium  
Exaudi preces supplicum.

2. Qui condolens interitu,  
Mortis perire seculum,  
Salvastis mundum languidum,  
Donans reis remedium.

3. Vergente mundi vespere,  
Uti sponsus de thalamo  
Egressus honestissima.  
Virginis matris clausula.

4. Cuius forti potentiae,  
Genu curvantur omnia,  
Coelestia terrestria,  
Nutu fatentur subdita.

5. Te deprecamur agie,  
Venture iudex seculi,  
Conserva nos in tempore,  
Hostis a celo perfidi.

6. Laus, honor, virtus, gloria,  
Deo patri, et filio,  
Sancto simul paraclito,  
In saeculorum saecula. Amen.

5.

In Nativitate Domini. Ad Vesperas.

1. Christe redemptor omnium  
Ex patre patris unice  
Solus ante principium  
Natus ineffabiliter.

2. Tu lumen, tu splendor patris,  
Tu spes perennis omnium  
Intende quas fundunt preces  
Tui per orbem famuli.

3. Memento salutis auctor,  
Quod nostri quondam corporis,  
Ex illibata virgine  
Nascendo, formam sumpseris.

4. Sic presens testatur dies  
Currrens per anni circulum  
Quod solus a sede patris  
Mundi salus adveneris.

5. Hunc celum, terra, hunc mare,  
Hunc omne, quod in eis est,  
Auctorem adventus tui  
Laudans exultat cantico.

6. Nos quoque, qui sancto tuo,  
Redempti sanguine sumus,  
Ob diem natalis tui  
Hymnum novum concinimus.

7. Gloria tibi domine,  
Qui natus es de virgine,  
Cum patre, et sancto spiritu,  
In sempiterna secula. Amen.

6.

In festo Sanctorum Innocentium. Ad Vesperas.

1. Salvete flores martyrum,  
Quos lucis ipso in limine  
Christi insecutor sustulit,  
Ceum turbo nascentes rosas.

2. Vos prima Christi victima,  
Grex immolatorum tener  
Aram ante ipsam simplices  
Palma et coronis luditis.

3. Gloria tibi domine,  
Qui natus es de virgine,  
Cum patre, et sancto spiritu,  
In sempiterna secula. Amen.

7.

In Epiphania Domini. Ad Vesperas.

1. Hostis Herodes impie  
Christum venire quid times?  
Non eripit mortalia,  
Qui regna dat caelestia.

2. Ibant magi, quam viderant,  
Stellam sequentes previam,  
Lumen requirunt lumine,  
Deum fatentur munere.

3. Lavacra puri gurgitis  
Celestis agnus atigit,  
Peccata que non detulit,  
Nos abluendo sustulit.

4. Novum genus potentiae,  
Aequae rubescunt hydriae,  
Vinumque iussa fundere,  
Mutavit unda originem.

5. Gloria tibi domine,  
Qui apparuisti hodie,  
Cum patre et sancto spiritu,  
In sempiterna secula. Amen.

8.

In Sabbatis ad Vesperas.

1. O lux beata Trinitas  
Et principalis unitas  
Iam sol recedit igneus  
Infunde lumen cordibus.

2. Te mane laudum carmine,  
Te deprecamur vesperi,  
Te nostra supplex gloria,  
Per cuncta laudet secula.

3. Deo patri sit gloria,  
Eiusque soli filio,  
Cum spiritu paraclito  
Et nunc, et in perpetuum. Amen.

9.

In Dominicis et Festis ad Vesperas.

1. Lucis creator optime,  
Lucem dierum proferens,  
Primordiis lucis nove  
Mundi parans originem.
2. Qui mane iunctum vesperi,  
Diem vocari praecipis,  
Tetrum chaos illabatur,  
Audi preces cum fletibus.
3. Ne mens gravata crimine  
Vite sit exul munere,  
Dum nil perenne cogitat,  
Seseque culpis illigat.
4. Coelorum pulset intimum,  
Vitale tollat premium,  
Vitemus omne noxium,  
Purgemus omne pessimum.
5. Presta pater piissime,  
Patrique compar unice  
Cum spiritu paraclito,  
Regnans per omne seculum. Amen.

10.

Officium parvum Beate Marie Virginis.  
Ad Vesperas.

1. Ave maris stella  
Dei mater alma  
Atque semper virgo,  
Felix celi porta.
2. Sumens illud ave  
Gabrielis ore,  
Funda nos in pace,  
Mutans nomen Evae.
3. Solve vincla reis  
Profer lumen cecis:  
Mala nostra pelle,  
Bona cuncta posce.
4. Monstra te esse matrem,  
Sumat per te preces,  
Qui pro nobis natus,  
Tulit esse tuus.
5. Virgo singularis,  
Inter omnes mitis:  
Nos culpis solutos  
Mites fac et castos.

6. Vitam presta puram,  
Iter para tutum,  
Ut videntes Jesum,  
Semper collaetemur.

7. Sit laus Deo patri,  
Summo Christo decus:  
Spiritui sancto:  
Trinus honor unus. Amen.

11.

Infra hebdomadam I. Quadragesime. Ad Vesperas.

1. Audi benigne conditor  
Nostras preces cum fletibus  
In hoc sacro ieiunio  
Fusas quadragenario.
2. Scrutator alme cordium,  
Infirma tu scis virium,  
Ad te reversis exhibe,  
Remissionis gratiam.
3. Multum quidem peccavimus,  
Sed parce confitentibus,  
Ad laudem tui nominis  
Confer medelam languidis:
4. Sic corpus extra conteri,  
Dona per abstinentiam  
Ieiunet ut mens sobria,  
A labe prorsus criminum.
5. Presta beata trinitas,  
Concede simplex unitas,  
Ut fructuosa sint tuis,  
Ieiuniorum munera. Amen.

12.

Dominica I. Quadragesime. Ad Vesperas.

1. Ad preces nostras deitatis aures,  
Deus inclina pietate sola:  
Supplicum vota suscipe precamur  
Famuli tui.
2. Respice clemens solio de sancto,  
Vultu sereno lampades illustra,  
Lumine tuo tenebras depelle  
Pectore nostro.
3. Crimina laxa pietate multa,  
Ablue sordes, vincula disrumpe,  
Parce peccatis, releva iacentes  
Dextera tua.

4. Te sine tetro mergimur profundo,  
Labimur alta scleris sub unda  
Brachio tuo, trahimur ad clara  
Sidera coeli.
5. Christe lux vera, bonitas et vita,  
Gaudium mundi, pietas immensa,  
Qui nos a morte roseo salvasti  
Sanguine tuo.
6. Insece tuum petimus amorem,  
Mentibus nostris fidei refunde  
Lumen eternum, charitatis auge  
Dilectionem.
7. Tu nobis dona fontem lacrymarum,  
Ieiuniorum fortia ministra:  
Vitia carnis millia retunde  
Framea tua.
8. Procul a nobis perfidus absistat,  
Satan a tuis viribus confractus;  
Sanctus assistat spiritus a tua  
Sede demissus.
9. Gloria Deo sit eterno patri,  
Sit tibi semper genitoris nate,  
Cum quo equalis spiritus per cuncta  
Secula regnat. Amen.

13.

Ad Completorium.

1. Te lucis ante terminum  
Rerum creator poscimus,  
Ut solita clementia  
Sis praesul ad custodiam.
2. Procul recedant somnia,  
Et noctium phantasmata;  
Hostemque nostrum comprime,  
Ne polluantur corpora.
3. Praesta Pater omnipotens,  
Per Jesum Christum Dominum,  
Qui tecum in perpetuum  
Regnat cum sancto Spiritu. Amen.

14.

Infra hebdomadam Dominice Passionis. Ad Vesperas.

1. Vexilla regis prodeunt,  
Fulget crucis mysterium,  
Quo carne carnis conditor  
Suspensus est patibulo.

2. Quo vulneratus insuper  
Mucrone diro lanceae,  
Ut nos lavaret crimine,  
Manavit unda sanguine.
3. Impleta sunt qui concinit,  
David fidelis carmine,  
Dicens in nationibus,  
Regnavit a ligno Deus.
4. Arbor decora et fulgida  
Ornata regis purpura,  
Electa digno stipite,  
Tam sancta membra tangere.
5. Beata cuius brachiis  
Secli pependit precium  
Statera facta corporis,  
Predamque tulit tartari.
6. O crux ave spes unica,  
Hoc passionis tempore,  
Auge piis iustitiam,  
Reisque dona veniam.
7. Te summa Deus Trinitas,  
Collaudet omnis spiritus:  
Quos per crucis mysterium  
Salvas, rege per secula. Amen.

15.

Infra hebdomadam I. Pasche. Ad Vesperas.

1. Ad cenam agni providi,  
Et stolis albis candidi,  
Post transitum maris rubri,  
Christo canamus principi,
2. Cuius corpus sanctissimum,  
In ara crucis torridum,  
Cruore eius roseo,  
Gustando vivimus Deo.
3. Protecti Pasche vespere,  
A devastante angelo,  
Erepti de durissimo,  
Pharaonis imperio,
4. Iam Pascha nostrum Christus est,  
Qui immolatus agnus est,  
Sinceritatis azyma,  
Caro eius oblata est.
5. O vere digna hostia.  
Per quam fracta sunt tartara,  
Redempta plebs captivata,  
Reddita vite premia.

6. Consurgit Christus tumulo,  
Victor redit de baratro,  
Tirannum trudens vinculo,  
Et reserans paradisum.

7. Quesumus auctor omnium,  
In hoc paschali gaudio  
Ab omni mortis impetu  
Tuum defende populum.

8. Gloria tibi domine,  
Qui surrexisti a mortuis,  
Cum patre et sancto spiritu,  
In sempiterna secula. Amen.

16.

In Ascensione Domini. Ad Vesperas.

1. Jesu nostra redemptio  
Amor, et desiderium,  
Deus creator omnium,  
Homo in fine temporum.

2. Quae te vicit clementia,  
Ut ferres nostra crimina,  
Crudelem mortem patiens,  
Ut nos a morte tolleres.

3. Inferni claustra penetrans,  
Tuos captivos redimens,  
Victor triumpho nobili,  
Ad dextram patris residens.

4. Ipsa te cogat pietas,  
Ut mala nostra superes  
Parcendo et voti compotes  
Nos tuo vultu sacies.

5. Tu esto nostrum gaudium  
Qui es futurus premium,  
Sit nostra in te gloria  
Per cuncta semper secula. Amen.

17.

In festo Pentecostes. -Ad Vesperas.

1. Veni creator spiritus,  
Mentes tuorum visita:  
Imple superna gratia,  
Que tu creasti pectora.

2. Qui paraclitus diceris,  
Donum Dei altissimi,  
Fons vivus, ignis, charitas,  
Et spiritalis unctio.

3. Tu septiformis munere,  
Dextre Dei tu digitus,  
Tu rite promissum patris,  
Sermone ditans guttura.

4. Accende lumen sensibus,  
Infunde amorem cordibus,  
Infirma nostri corporis,  
Virtute firmans perpetim.

5. Hostem repellas longius,  
Parcemque dones protinus,  
Ductore sic te previo  
Vitemus omne noxium.

6. Per te sciamus da patrem,  
Noscamus atque filium,  
Te utriusque spiritum  
Credamus omni tempore.

7. Gloria patri domino,  
Natoque qui a mortuis  
Surrexit, ac paraclito  
In seculorum secula. Amen.

18.

In festo Corporis Christi. Ad Vesperas.

1. Pange lingua gloriosi  
Corporis misterium,  
Sanguinisque preciosi;  
Quem in mundi precium  
Fructus ventris generosi,  
Rex effudit gentium.

2. Nobis datus, nobis natus  
Ex intacta virgine,  
Et in mundo conversatus  
Sparso verbi semine;  
Sui moras incolatus  
Miro clausit ordine.

3. In supremæ nocte coenæ  
Recumbens cum fratribus,  
Observata lege plene  
Cibis in legalibus,  
Cibum turbæ duodenarum  
Se dat suis manibus.

4. Verbum caro panem verum,  
Verbo carnem efficit,  
Fitque sanguis Christi merum  
Et si sensus deficit;  
Ad firmandum cor sincerum  
Sola fides sufficit.

5. Tantum ergo sacramentum,  
Veneremur cernui,  
Et antiquum documentum,  
Novo cedat ritui;  
Prestet fides supplementum  
Sensuum defectui.

6. Genitori, genitoque  
Laus, et iubilatio.  
Salus, honor, virtus quoque  
Sit et benedictio;  
Procedenti ab utroque  
Compar sit laudatio. Amen.

19.

In festo Nativitatis S. Johannis Baptiste.  
Ad Vesperas.

1. Ut queant laxis resonare fibris  
Mira gestorum famuli tuorum,  
Solve polluti labii reatum  
Sancte Johannes.
2. Nuncius celso veniens Olimpo  
Te patri magnum fore nasciturum,  
Nomen, et vitae seriem gerendae  
Ordine promit.
3. Ille promissi dubius superni  
Perdidit prompte modulos loquae;  
Sed reformasti genitus perempte  
Organa vocis.
4. Ventris obstruso positus cubili  
Senserat regem thalamo manentem;  
Hinc parens nati meritis uterque  
Abdita pandit.
5. Gloria patri geniteque proli  
Et tibi compar utriusque semper  
Spiritus alme, Deus unus, omni  
Tempore secli. Amen.

20.

In festo SS. Apostolorum Petri et Pauli.  
Ad Vesperas.

1. Aurea luce et decore roseo  
Lux lucis omne perfudisti seculum,  
Decorans celos iclyto martyrio  
Hac sacra die, que dat reis veniam.
2. Ianitor coeli, doctor orbis pariter,  
Iudices secli, vera mundi lumina  
Per crucem alter, alter ense triumphans,  
Vitae senatum laureati possident.

3. O felix Roma, que tantorum principum  
Es purpurata pretioso sanguine  
Non laude tua, sed ipsorum meritis  
Excellis omnem mundi pulchritudinem.

4. Sit trinitati sempiterna gloria,  
Honor, potestas atque iubilatio;  
In unitate cui manet imperium,  
Et tunc et modo, per eterna secula. Amen.

21.

In Conversione S. Pauli Apostoli. Ad Vesperas.

1. Doctor egregie Paule mores instrue,  
Et mente polum nos transferre satage;  
Donec perfectum largiat plenius,  
Evacuato quod ex parte gerimus.
2. Sit Trinitati sempiterna gloria,  
Honor, potestas atque iubilatio;  
In unitate cui manet imperium,  
Et tunc et modo, per eterna saecula. Amen.

22.

In Festo S. Marie Magdalene. Ad Vesperas.

1. Lauda mater Ecclesia,  
Lauda Christi clementiam,  
Qui septem purgat vitia  
Per septiformem gratiam.
2. Maria soror Lazari,  
Quae tot commisit crimina,  
Ab ipsa fauce tartari  
Redit ad vite limina.
3. Post fluxe carnis scandala,  
Fit ex lebe te phiala,  
In vas translata glorie,  
De vase contumelie.
4. Aegra currit ad medicum,  
Vas ferens aromaticum,  
Et a morbo multiplici,  
Verbo curatur medici.
5. Surgentem cum victoria  
Jesum videt ab inferis:  
Prima meretur gaudia,  
Que plus ardebat ceteris.
6. Uni Deo sit gloria,  
Pro multiformi gratia,  
Qui culpas et supplicia  
Remittit et dat praemia. Amen.

23.

In Festo S. Petri ad Vincula. Ad Vesperas.

1. Petrus beatus catenarum laqueos,  
Christo iubente, rupit mirabile,  
Custos ovilis et doctor ecclesie,  
Pastorque gregis, conservator ovium  
Arcet luporum truculentam rabiem.
2. Gloria Deo per immensa secula,  
Sit tibi nate decus et imperium;  
Honor, potestas, sanctoque spiritui  
Sit trinitati salus individua  
Per infinita saeculorum saecula. Amen.

24.

In festo Transfigurationis. In primis Vesperis.

1. Quicumque Christum queritis,  
Oculos in altum tollite;  
Illic licebit visere  
Signum perennis glorie.
2. Illustre quiddam cernimus  
Quod nesciat finem pati,  
Sublime, celsum, interminum,  
Antiquius coelo et chao.
3. Hic ille rex est gentium  
Populique rex Judaici,  
Promissus Abrahe patri,  
Eiusque in evum semini.
4. Hunc et prophetis testibus,  
Iisdemque signatoribus,  
Testatur, et pater iubet  
Ipsam audire et credere.
5. Gloria tibi domine,  
Qui apparuisti hodie,  
Cum patre, et sancto spiritu,  
In sempiterna secula. Amen.

25.

In festo Dedicacionis S. Michaelis. Ad Vesperas.

1. Tibi Christe splendor patris,  
Vita, virtus cordium,  
In conspectu angelorum  
Votis, voce psallimus:  
Alternantes concrepando  
Melos damus vocibus.
2. Collaudamus venerantes  
Omnes coeli milites;  
Sed praecipue primatem  
Coelestis exercitus,  
Michaellem in virtute  
Conterentem Zabulon.

3. Quo custode procul pelle,  
Rex Christe piissime,  
Omne nefas inimici,  
Mundo corde et corpore,  
Paradiso redde tuo  
Nos sola clementia.

4. Gloriam patri melodis  
Personemus vocibus,  
Gloriam Christo canamus,  
Gloriam paraclito,  
Qui trinus et unus Deus  
Extat ante saecula. Amen.

26.

In Commune apostolorum et Evangelistarum,  
Tempore Paschali. Ad Vesperas.

1. Tristes erant Apostoli  
De nece sui domini,  
Quem pena mortis crudeli  
Servi damnarunt impii.
2. Sermone blando angelus  
Praedixit mulieribus,  
In Galileam dominus:  
Videndus est quantocyus.
3. Ille dum pergunt concite  
Apostolis hoc dicere  
Videntes eum vivere  
Osculantur pedes domini.
4. Quo agnito discipuli  
In Galileam prope  
Pergunt videre faciem  
Desideratam domini.
5. Quesumus auctor omnium  
In hoc Paschali gaudio,  
Ab omni mortis impetu  
Tuum defende populum.

6. Gloria tibi domine,  
Qui surrexisti a mortuis,  
Cum patre et sancto spiritu,  
In sempiterna secula. Amen.

27.

In Natali unius martyris, Tempore Paschali.  
Ad Vesperas.

1. Deus tuorum militum  
Sors et corona premium,  
Laudes canentes martyris  
Absolve nexu criminis.

2. Hic nempe mundi gaudia,  
Et blandimenta noxia  
Caduca rite deputans,  
Pervenit ad coelestia.

3. Penas cucurrit fortiter,  
Et sustulit viriliter,  
Pro te effundes sanguinem  
Aeterna dona possidet.

4. Ob hoc precatu supplici  
Te poscimus piissime,  
In hoc triumpho martiris,  
Dimitte noxam servulis.

5. Gloria tibi domine,  
Qui surrexisti a mortuis,  
Cum patre et sancto spiritu,  
In sempiterna secula. Amen.

28.

In communi martyrum, Tempore Paschali.  
Ad Vesperas.

1. Rex gloriose martyrum  
Corona confitentium,  
Qui respuentes terrea  
Perducis ad celestia.

2. Aurem benignam protinus  
Appone nostris precibus,  
Trophaea sacra pangimus,  
Ignosce quod deliquimus.

3. Tu vincis in martyribus,  
Parcendo confessoribus,  
Tu vince nostra crimina  
Donando indulgentiam.

4. Gloria tibi domine,  
Qui surrexisti a mortuis,  
Cum patre et sancto spiritu,  
In sempiterna secula. Amen.

29.

In Natali apostolorum. Ad Vesperas.

1. Exultet celum laudibus.  
Resultet terra gaudiis,  
Apostolorum gloriam  
Sacra canunt solennia.

2. Vos secli iusti iudices,  
Et vera mundi lumina,  
Votis precamur cordium:  
Audite preces supplicum.

3. Qui celum verbo clauditis,  
Serasque eius solvitis  
Nos a peccatis omnibus  
Solvite iussu quesumus.

4. Quorum precepto subditur  
Salus et languor omnium,  
Sanate aegros moribus  
Nos reddentes virtutibus.

5. Ut cum iudex advenerit  
Christus in fine seculi  
Nos sempiterna gaudii  
Faciatur esse compotes.

6. Deo patri sit gloria,  
Eiusque soli filio,  
Sancto simul paraclito,  
In seculorum secula. Amen.

30.

In Natali unius martyris. Ad Vesperas.

1. Deus tuorum militum  
Sors et corona premium,  
Laudes canentes martyris  
Absolve nexu criminis.

2. Hic nempe mundi gaudia,  
Et blandimenta noxia  
Caduca rite deputans,  
Pervenit ad coelestia.

3. Penas cucurrit fortiter  
Et sustulit viriliter  
Pro te effundens sanguinem  
Aeterna dona possidet.

4. Ob hoc precatu supplici  
Te poscimus piissime,  
In hoc triumpho martiris,  
Dimitte noxam servulis.

5. Laus et perennis gloria,  
Deo patri, et filio,  
Sancto simul paraclito,  
In sempiterna secula. Amen.

31.

Commune Plurium martyrum. Ad Vesperas.

1. Sanctorum meritis inclyta gaudia  
Pangamus socii, gesta que fortia  
Nam gliscit aius promere cantibus  
Victorum genus optimum.



2. Hi sunt quos retinens mundus inhorruit,  
Ipsam nam sterili flore peraridum  
Sprevere penitus, teque secuti sunt,  
Rex Christe bone coelitus.

3. Hi pro te furias atque ferocia  
Calcarunt hominum, sevaeque verbera,  
Cessit his lacerans fortiter ungula,  
Nec carpsit penetralia.

4. Caeduntur gladiis, more bidentium,  
Non murmur resonat, non querimonia,  
Sed corde tacito mens bene conscia  
Conservat patientiam.

5. Que vox, que poterit lingua retexere,  
Que tu martyribus munera preparas,  
Rubri nam fluido sanguine laureis  
Ditantur bene fulgidis.

6. Te summa deitas unaque poscimus,  
Ut culpas, abluas, noxia subtrahas,  
Des pacem famulis, nos quoque gloriam  
Per cuncta tibi saecula. Amen.

32.

Commune Dedicacionis Ecclesie. Ad Vesperas.

1. Urbs beata Jerusalem,  
Dicta pacis visio,  
Que construitur in celis  
Vivis ex lapidibus,  
Et angelis coronata,  
Ut sponsata comite.

2. Nova veniens e coelo  
Nuptiali thalamo,  
Praeparata ut sponsata  
Copuletur domino,  
Plateae et muri eius  
Ex auro purissimo.

3. Porte nitent margaritis  
Adytis patentibus  
Et virtute meritorum  
Illuc introducitur  
Omnis qui ob Christi nomen  
Hic in mundo premitur.

4. Tusionibus pressuris  
Expoliti lapides,  
Suis coaptantur locis  
Per manum artificis  
Disponuntur permansuri  
Sacris aedificiis.

5. Gloria et honor Deo  
Usquequo altissimo,  
Una patri filioque,  
Inclyto paraclito,  
Cui laus est et potestas  
Per immensa secula. Amen.

Anhang I/1.

De Resurrectione loco hymni

Haec dies, quam fecit Dominus:  
Exultemus et laetemur in ea.

Anhang I/2.

Ad Completorium. Hymnus  
Siehe Nr. 13

Anhang I/3.

In Festo S. Angeli Custodis. Ad Vesperas.

1. Custodes hominum psallimus Angelos,  
Naturae fragili quos Pater addidit  
Caelestis comites, insidiantibus  
Ne succumberet hostibus.

2. Nam quod corruerit proditor Angelus,  
Concessis merito pulsus honoribus,  
Ardens invidia, pellere nititur  
Quos coelo Deus advocat.

3. Huc custos igitur pervigil advola,  
Avertens patria de tibi credita  
Tam morbos animi, quam requiescere  
Quidquid non sinit incolas.

4. Sanctae sit Triadi laus pia iugiter,  
Cuius perpetuo numine machina  
Triplex haec regitur, cuius in omnia  
Regnat gloria saecula. Amen.

Anhang I/4.

Commune sanctae Martyris. Ad Vesperas.

1. Fortem virili pectore  
Laudemus omnes feminam,  
Quae sanctitatis gloria  
Ubique fulget inclyta.

2. Haec Christi amore saucia,  
Dum mundi amorem noxium  
Horrescit, ad caelestia  
Iter peregit arduum.

3. Carnem domans ieiuniis,  
Dulcique mentem pabulo  
Orationis nutriens,  
Caeli potitur gaudiis.

4. Rex Christe virtus fortium,  
Qui magna solus efficis,  
Huius precatu quaesumus,  
Audi benignus supplices.

5. Deo Patri sit gloria,  
Eiusque soli Filio,  
Cum Spiritu paraclito,  
Et nunc et in perpetuum. Amen.

Anhang I/5.  
De Beata Maria Virgine

1. Fit porta Christi pervia,  
Referta plena gratia.  
Fulget dies ista,  
Diei solemnia  
Celebrat ecclesia.

2. Genus superni luminis,  
Processit aula virginis.  
Fulget dies ista,  
Diei solemnia  
Celebrat ecclesia.

3. Honor matris et gaudium,  
Immensa spes credentium.  
Fulget dies ista,  
Diei solemnia  
Celebrat ecclesia.

Anhang II/2 und 8  
In festo Sanctae Mariae Magdalenae. Ad Vesperas.

1. Pater superni luminis,  
Cum Magdalenam respicis,  
Flammas amoris excitas,  
Geluque solvis pectoris.

2. Amore currit saucia  
Pedes beatos ungere,  
Lavare fletu, tergere  
Comis, et ore lambere.

3. Adstare non timet cruci,  
Sepulchro inhaeret anxia,  
Truces nec horret milites,  
Pellit timorem charitas.

4. O vera, Christe, charitas,  
Tu nostra purga crimina,  
Tu corda reple gratia,  
Tu redde caeli praemia.

5. Deo Patri sit gloria,  
Eiusque soli Filio,  
Cum Spiritu paraclito,  
Et nunc et in perpetuum. Amen.

Anhang II/4a.  
In festo S. Stephani.  
Deus tuorum. in tono Natalis domini.

1. Deus tuorum militum  
Sors et corona premium,  
Laudes canentes martyris  
Absolve nexu criminis.

2. Hic nempe mundi gaudia,  
Et blandimenta noxia  
Caduca rite deputans,  
Pervenit ad caelestia.

3. Penas cucurrit fortiter,  
Et sustulit viriliter,  
Pro te effundens sanguinem  
Aeterna dona possidet.

4. Ob hoc precatu supplicis  
Te poscimus piissime,  
In hoc triumpho martyris,  
Dimitte noxam servulis.

5. Gloria tibi domine,  
Qui natus es de virgine,  
Cum patre et sancto spiritu  
In sempiterna secula. Amen.

Anhang II/4b.  
In festo S. Joannis. Exultet caelum. in tono eodem.

1. Exultet caelum laudibus.  
Resultet terra gaudiis,  
Apostolorum gloriam,  
Sacra canunt solennia.

2. Vos secli iusti iudices,  
Et vera mundi lumina,  
Votis precamur cordium,  
Audite preces supplicum.

3. Qui celum verbo clauditis,  
Serasque eius solvitis,  
Nos a peccatis omnibus  
Solvite iussu quesumus.

4. Quorum praecepto subditur  
Salus et languor omnium,  
Sanate aegros moribus  
Nos reddentes virtutibus.

5. Ut cum iudex advenerit  
Christus in fine seculi,  
Nos sempiterni gaudii  
Faciatur esse compotes.

6. Gloria tibi domine,  
Qui natus es de virgine,  
Cum patre et sancto spiritu,  
In sempiterna secula. Amen.

Anhang II/9.

Cathedra Romana S. Petri. Ad Vesperas.

1. Quodcunque vinculis super terram strinxeris,  
Erit in astris religatum fortiter,

Et quod resolvis in terris arbitrio,  
Erit solutum super celi radium:  
In fine mundi iudex eris seculi.

2. Gloria Deo per immensa secula,  
Sit tibi nate decus, et imperium:  
Honor, potestas, sanctoque spiritui  
Sit Trinitati salus individua  
Per infinita seculorum secula. Amen.